

智度贈偈

呂帝南遊韶柳下湘潭至江濱聞智度寺慧覺禪學性源滄潔
與促席對坐謂曰收光內照一衲之外無餘衣一鉢之外無餘
食遠生死岸破煩惱殼方今佛衣寂寂無傳禪理懸懸幾絕扶
而興者其在吾師乎作偈贈之曰達者推心方濟物聖賢傳法
不離真請師開說西來意七祖於今未有人自昔佛祖俱只傳
法惟達磨神光一
係西域一屬東土特加傳衣以表信偈曰一花開五葉結果自
然成故衣止六祖不傳六祖之後若青原南嶽永嘉諸尊師皆
傳佛正印紹佛慧燈五宗而下代有傳人此云七祖於今
未有人蓋推尊覺公之意觀者勿真謂六祖以下無人也

禪寺植樟

呂帝過華亭北禪寺手植樟樹於殿後數年樟死復來取瓢內

道藏輯要

聖蹟紀要

九

壁集五

藥一粒瘞諸根下樟復活葉葉俱瓢痕人始感悟因號呂公樟

契悟黃龍

呂帝經鄂州之黃龍山觀紫雲成蓋知有異人乃入值誨機禪
師升座意必呂公也欲誘而進厲聲曰座旁有竊法者呂帝毅
然出問曰一粒粟中藏世界半升鑊裏煮山川且道此意如何
龍曰饒經八萬劫終是落空亡帝君薄訝飛劍脅之不能入遂
再拜龍曰座下何人答曰雲水道人龍曰雲盡水乾時如何帝
君未及對龍曰黃龍出現帝君恍然悟求指歸龍詰曰半升鑊
內煮山川卽不問如何是一粒粟中藏世界帝君於言下大徹
呈偈曰棄卻瓢囊搥碎琴如今不戀水中金自從一見黃龍後